



Broj: 01-50-1-15-26/08

Sarajevo, 11. aprila 2008. godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine Bosne i Hercegovine je 2. i 10. aprila 2008. godine održao 25. sjednicu. Na sjednici su, uz ostalo, razmatrani i materijali koji su u nadležnosti i Doma naroda, kako slijedi:

1. Prijedlog zakona o kretanju i boravku stranaca i azilu (drugo čitanje);
2. Prijedlog zakona o izmjenama i dopunama Zakona o Službi za poslove sa strancima (drugo čitanje);
3. Prijedlog kodeksa ponašanja poslanika i delegata u Parlamentarnoj skupštini BiH (drugo čitanje);
4. Prijedlog zakona o lijekovima i medicinskim sredstvima (prvo čitanje);
5. Prijedlog zakona o plaćama i naknadama u institucijama Bosne i Hercegovine (prvo čitanje);
6. Prijedlog zakona o izmjenama i dopunama Zakona o jedinstvenom matičnom broju (prvo čitanje);
7. Prijedlog zakona o izmjenama i dopunama Zakona o ličnoj karti državljana Bosne i Hercegovine (prvo čitanje);
8. Prijedlog zakona o izmjenama i dopunama Zakona o prebivalištu i boravištu državljana Bosne i Hercegovine (prvo čitanje);
9. Prijedlog zakona o Fiskalnom vijeću BiH (prvo čitanje);
10. Prijedlog zakona o srednjem stručnom obrazovanju i obuci (prvo čitanje);
11. Izvještaj Zajedničke komisije o nastojanju za postizanje sporazuma o Prijedlogu zakona o izmjenama i dopunama Zakona o putnim ispravama BiH;
12. Informacija o stanju sigurnosti u BiH za 2007. godinu, s Informacijom o trenutnom stanju sigurnosti u BiH (prema zaključku Doma sa 21. sjednice) – dopunjena tačka;
13. Informacija o radu Tužilaštva BiH za 2007. godinu;
14. Izvještaj o radu Pravobranilaštva BiH za period od 1.1.2007. do 31.12.2007.;
15. Razmatranje Programa mjera za primjenu Sporazuma CEFTA;
16. Davanje saglasnosti za ratifikaciju:
 - a) "eSEE" Agenda plus za razvoj informacionog društva u Jugoistočnoj Evropi – SEE 2007. – 2011.
 - b) Sporazuma između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga, Dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga i Daljnjeg dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga.

Ad – 1. i 2.

Predstavnički dom usvojio je Zakon o kretanju i borvku stranaca i azilu i Zakon o izmjenama i dopunama Zakona o Službi za poslove sa strancima, s amandmanima sadržanim u izvještajima nadležne Zajedničke komisije za ljudska prava, prava djeteta, mlade, imigraciju, izbjeglice, azil i etiku.

Ad – 2.

Na prijedlog Zajedničke komisije za ljudska prava, odgođeno je izjašnjavanje o Prijedlogu kodeksa ponašanja poslanika i delegata do usvajanja Zakona o izmjenama i dopunama Zakona o sukobu interesa u institucijama vlasti BiH, s mogućnošću podnošenja amandmana po novim aspektima.

Ad – 3. do 7.

Dom je usvojio u prvom čitanju:

- Prijedlog zakona o lijekovima i medicinskim sredstvima;
- Prijedlog zakona o plaćama i naknadama u institucijama Bosne i Hercegovine;
- Prijedlog zakona o izmjenama i dopunama Zakona o jedinstvenom matičnom broju;
- Prijedlog zakona o izmjenama i dopunama Zakona o ličnoj karti državljana Bosne i Hercegovine i
- Prijedlog zakona o izmjenama i dopunama Zakona o prebivalištu i boravištu državljana Bosne i Hercegovine.

Ad – 8.

Prijedlog zakona o Fiskalnom vijeću BiH usvojen je u prvom čitanju, uz zaključak koji je predložila nadležna Komisija za finansije i budžet, koji glasi:

„Komisija i Predstavnički dom Parlamentarne skupštine Bosne i Hercegovine zahtijevaju od Vijeća ministara BiH da do okončanja amandmanske faze o Prijedlogu zakona razjasni pitanje preklapanja nadležnosti između Fiskalnog vijeća BiH i Uprave za indirektno oporezivanje BiH (član 5. Prijedloga zakona), koji se dijelom odnosi na makroekonomsku projekciju i projekciju ukupnih indirektnih poreza i njihove raspodjele za narednu fiskalnu godinu.“

Ad – 9.

Usvojen je Prijedlog zakona o srednjem stručnom obrazovanju i obuci u prvom čitanju.

Ad – 10.

Usvojen je Izvještaj Zajedničke komisije o nastojanju za postizanje sporazuma o Prijedlogu zakona o izmjenama i dopunama Zakona o putnim ispravama BiH.

Ad – 11.

Informacija o stanju sigurnosti u BiH za 2007. godinu, s Informacijom o trenutnom stanju sigurnosti u BiH, primljena je k znanju, a nadležnoj komisiji dostavljeni su prijedlozi zaključaka izneseni u raspravi radi razmatranja i dostavljanja Domu jedinstvenih zaključaka sačinjenih na osnovu zaključaka predloženih u raspravi.

Ad – 12.

Informacija o radu Tužilaštva BiH za 2007. godinu takođe je primljena k znanju, a nadležnoj komisiji proslijeđeni su prijedlozi zaključaka iz rasprave radi razmatranja te pripremanja zaključaka i dostavljanja Domu na usvajanje.

Ad – 13.

Izvještaj o radu Pravobranilaštva BiH za period od 1.1.2007. do 31.12.2007. nije usvojen u Predstavničkom domu.

Ad – 14.

Predstavnički dom usvojio je Programa mjera za primjenu Sporazuma CEFTA, s Mišljenjem nadležne Komisije za vanjsku trgovinu i carine i zaključcima sadržanim u Mišljenju, koji glase:

1. Obavezuje se Ministarstvo vanjske trgovine i ekonomskih odnosa BiH da dopuni Akcioni plan stavkom: „**primjenjivati član 23. bis Sporazuma CEFTA na prijedlog poljoprivrednih proizvođača i/ili udruženja poljoprivrednih proizvođača zbog ozbiljnih poremećaja na domaćem tržištu, nastalih kao rezultat prekomjernog uvoza**“.

2. Ministarstvo vanjske trgovine i ekonomskih odnosa BiH ažurirat će rokove predložene u Akcionom planu, te obavijestiti Dom o realizaciji mjera za koje su istekli predloženi rokovi.

3. Vijeće ministara BiH uložiti će napore za osposobljavanje i opremanje državnih institucija neophodnih za nesmetan izvoz bh. proizvoda.

4. Neophodno je angažirati nadležne institucije za konstatno pružanje pomoći i dodatnu obuku bh. proizvođača kako bi jednostavnije izvozili svoje proizvode i na taj način imali ravnopravan status s izvoznicima iz zemalja potpisnica CEFTA-e. Isto tako, neophodno je preduzimanje odgovarajućih mjera kojima bi se bh. proizvođači osposobili da budu konkurentni na bh. tržištu i na tržištu zemalja potpisnica CEFTA-e.

Ad – 15.

Dom je dao saglasnost za ratifikaciju:

a) "eSEE" Agenda plus za razvoj informacionog društva u Jugoistočnoj Evropi – SEE 2007. – 2011.

b) Sporazuma između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga, Dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga i Daljnjeg dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga.

S poštovanjem,

PREDSJEDAVAJUĆI
PREDSTAVNIČKOG DOMA
dr. Milorad Živković